



U8
4997
17



4997
17

三國志

晉 平陽侯相陳

壽撰述

宋 西鄉侯裴松之 集註

明 長洲 陳仁錫 評閱

魏 三十一

烏丸鮮卑東夷傳

書載蠻夷猾夏，詩稱獫狁孔熾，久矣其為中國患也。秦漢以來，匈奴久為邊害，孝武雖外事四夷，東平兩越朝鮮，西討貳師，大宛、罽犂、夜郎之道，然皆在荒服之外，不能為中國輕重，而匈奴最逼於諸夏，胡騎

昭和十六年二月六日寄
市島謙吉氏贈



南侵則三邊受敵是以屢遣衛霍之將深入北伐窮追單于奪其饒衍之地後遂保塞稱藩世以衰弱建安中呼厨泉南單于入朝遂留內侍使右賢王撫其國而匈奴折節過於漢舊然烏丸鮮卑稍更疆盛亦因漢末之亂中國多事不遑外討故得擅漢南之地寇暴城邑殺器人民北邊仍受其困會袁紹兼河北乃撫有三郡烏丸寵其名王而收其精騎其後尚熙又逃于蹋頓蹋頓又驍武邊長老皆比之冒頓怪其阻遠敢受命以雄百蠻太祖潛師北伐出其不意一戰而定之夷狄懾服威振朔土遂引烏丸之衆服

軌

從征討而邊民得用安慰後鮮卑大人軻比能復制御羣狄盡收匈奴故地自雲中五原以東抵遼水皆為鮮卑庭數犯塞寇邊幽并苦之田豫有馬城之圍畢軌有陘北之敗青龍中帝乃聽王雄遣劍客刺之然後種落離散互相侵伐疆者遠遁弱者請服由是邊陲差安漢南少事雖時頗鈔盜不能復相扇動矣烏丸鮮卑即古所謂東胡也其習俗前事撰漢記者已錄而載之矣故但舉漢末魏初以來以備四夷之

變云

魏書曰烏丸者東胡也漢初匈奴冒頓滅其國餘

類仿烏丸山因以為號焉俗善騎射隨水草放牧
居無常處以穹廬為宅皆東向日式獵禽獸食肉
飲酪以毛毳為衣貴少賤老其性悍驚怒則殺父
兄而終不害其母以母有族類父兄以已為種無
復報者故也常推募勇健能理決鬪訟相侵犯者
為大人邑落各有小帥不世繼也數百千落自為
一部大人有所召呼刻木為信邑落傳行無文字
而部眾莫敢違犯氏姓無常以大人健者名字為
姓大人已下各自畜牧治產不相徭役其嫁娶皆
先私通畧將女去或半歲百日然後遣媒人送馬

長一本作秃非

牛羊以為聘娶之禮塔隨妻歸見妻家無尊卑旦
起皆拜而不自拜其父母為妻家僕役二年妻家
乃厚遣送女居處財物一出妻家故其俗從婦人
訖至戰鬪時乃自決之父子男女相對蹲踞悉髡
頭以為輕便婦人至嫁時乃養髮分為髻著句決
飾以金碧猶中國有冠步搖也父兄歿妻後母執
嫂若無執嫂者則已子以親之次妻伯叔焉歿則
歸其故夫俗識鳥獸孕乳時以四節耕種常用布
穀為為候地宜青稞東牆東牆以蓬草實如葵子
至十月熟能作白酒而不知作麴葉米常仰中國

似

大人能作弓矢鞍勒銀金鐵為兵器能刺韋作文
 續緘縷氈毳有病知以艾灸或燒石自熨燒地
 上或隨痛病處以刀決脉出血及祝天地山川之
 神無鍼藥貴兵死歛屍有棺始死則哭葬則歌舞
 相送肥養犬以采繩嬰牽并取亾者所乘馬衣物
 生時服飾皆燒以送之特屬累犬使護死者神靈
 歸乎赤山赤山在遼東西北數千里如中國人以
 死之鬼神歸泰山也至葬日夜聚親舊員坐牽犬
 馬歷位或歌哭者擲肉與之使二人口頌咒文使
 死者鬼神徑至歷險阻勿令橫鬼遮護達其赤山

然後殺犬馬衣物燒之敬鬼神祠天地日月星辰
 山川及先大人有健名者亦同祠以牛羊祠畢皆
 燒之飲食必先祭其約法違大人言死盜不止死
 其相殘殺令部落自相報相報不止誦大人平之
 有罪者出其牛羊以贖死命乃止自殺其父兄無
 罪其亾叛為大人所捕者諸邑落不肯受皆逐使
 至雍狂地地無山有沙漠流水草木多蝮蛇在丁
 令之西南烏孫之東北以窮困之自其先為匈奴
 所破之後人眾孤弱為匈奴臣服常歲輸牛馬羊
 過時不具輒虜其妻子至匈奴壹衍鞮單于時烏

九轉彊發掘匈奴單于冢將以報冒頓所破之耻
壹衍鞮單于大怒發二萬騎以擊烏丸大將軍霍
光聞之遣度遼將軍范明友將三萬騎出遼東追
擊匈奴比朋友兵至匈奴已引去烏丸新被匈奴
兵乘其衰弊遂進擊烏丸斬首六千餘級獲三王
首還後數復犯塞明友輒征破之至王莽末並與
匈奴為寇光武定天下遣伏波將軍馬援將三千
騎從五原關出塞征之無利而殺馬千餘匹烏丸
遂盛鈔擊匈奴匈奴轉徙千里漠南地空建武二
十五年烏丸大人郝且等九千餘人率眾詣關封

其渠帥為侯王者八十餘人使居塞內布列遼東
屬國遼西右北平漁陽廣陽上谷代郡鴈門太原
朔方諸郡界招來種人給其衣食置校尉以領護
之遂為漢偵備擊匈奴鮮卑至永平中漁陽烏丸
大人欽志賁帥種人叛鮮卑還為寇害遼東太守
祭肱募殺志賁遂破其眾至安帝時漁陽右北平
鴈門烏丸率眾王無何等復與鮮卑匈奴合鈔畧
代郡上谷涿郡五原乃以大司農何熙行車騎將
軍左右羽林五營士發緣邊七郡黎陽營兵合二
萬人擊之匈奴降鮮卑烏丸各還塞外是後烏丸

平 何熙

三國志 魏書 卷二十一

稍復親附拜其大人戎末魔為都尉至順帝時戎未魔率將王侯出歸去延等從烏丸校尉耿种出塞擊鮮卑有功還皆拜為率眾王賜束帛

漢末遼西烏丸大人丘力居眾五千餘落上谷烏丸大人難樓眾九千餘落各稱王而遼東屬國烏丸大人蘇僕延眾千餘落自稱峭王右北平烏丸大人烏延眾八百餘落自稱汗魯王皆有計策勇健中山太守張純叛入丘力居眾中自號彌天安定王為三郡烏丸元帥寇畧青徐幽冀四州殺畧吏民靈帝末以劉虞為幽州牧募胡斬純首并州乃定後丘力居死

峭

葆

于樓班年小從子蹋頓有武畧代立總攝三王部眾皆從其教令袁紹與公孫瓚連戰不決蹋頓遣使請紹求和親助紹擊瓚破之紹矯詔賜蹋頓難王汗魯王印綬皆以為單于

英雄記曰紹遣使即拜烏丸三王為單于皆安車華蓋羽覆黃屋左纛版文曰使持節大將軍督幽青并領冀州牧阮鄉侯紹承制詔遼東屬國率眾王頒下烏丸遼西率眾王蹋頓右北平率眾王汗盧維乃祖慕義遷善款塞內附北捍獫狁東拒濊貊世守北陲為百姓保障雖時侵犯王畧命將徂

征厥罪率不旋時悔愆變改於之外夷最又聰惠
 者也始有干夫長百夫長以相統領用能悉乃心
 克有勲力於國家稍受王侯之命自我王室多故
 公孫瓚作難殘夷厥土之君以侮天慢主是以四
 海之內並執干戈以衛社稷三王奮氣齊士忿姦
 憂國控弦與漢兵為表裏誠甚忠孝朝所嘉焉然
 而虎兇長蛇相隨室路王官爵命否而無聞夫存
 勲不賞俾勤者怠今遣行謁者楊林齋單于璽綬
 車服以對爾勞其各綏懼部落教以謹慎無使作
 凶作慝世復爾祀位長為百蠻長厥存咎有不減

干

惡一作惡

者泯於爾祿而喪於乃庸可不勉乎烏桓單于都
 護部衆左右單于受其節度他如故事

後樓班大峭王率其部衆奉樓班為單于蹋頓為王
 然蹋頓多畫計策廣陽閭柔少沒烏丸鮮卑中為其
 種所歸信柔乃因鮮卑衆殺烏丸校尉邢舉代之紹
 因寵尉以安非邊後袁尚敗奔蹋頓憑其勢復圖冀
 州會太祖平河北柔帥鮮卑烏丸歸附遂因以柔為
 校尉猶持漢使節治廣寧如舊建安十一年太祖自
 征蹋頓於柳城潛軍詭道昧至百餘里虜乃覺尚與
 蹋頓將衆逆戰於凡城兵馬甚盛太祖登高望虜陣

柳軍未進觀其小動乃擊破其衆臨隨斬蹋頓首死
者被野速附九樓班烏延等走遼東遼東悉斬傳送
其首其餘遺送皆降及幽州并州柔所統烏丸萬餘
落悉徙其族居中國帥從其侯王大人種衆與征伐
由是三郡烏丸為天下名騎

魏畧曰景初元年秋遣幽州刺史毋丘儉率衆軍
討遼東右北平烏丸單于寇婁敦遼西烏丸都督
率衆王護留葉昔隨袁尚奔遼西聞儉軍至率衆
五千餘人降寇婁敦遣弟阿羅獎等請闕朝貢封
其渠帥三十餘為王賜與馬繒采各有差

鮮卑

魏書曰鮮卑亦東胡之餘也別保鮮卑山因號焉
其言語習俗與烏丸同其地東接遼水西當西城
常以季春大會作樂水上嫁女娶婦髡頭飲宜其
獸異於中國者野馬獐羊端牛端牛角為異世謂
之角端者也又有貂狍麕子皮毛柔蠕故天下以
為名裘鮮卑自為冒頓所破遠竄遼東塞外不與
餘國爭衡未有名通於漢而由自與烏丸相控至
光武時南北單于更相攻伐匈奴損耗而鮮卑遂
盛建武三十年鮮卑大人於仇賁率種人請闕朝

貢封於仇責爲王永平中祭彤爲遼東太守誘賂鮮卑使斬叛烏丸欽志賁等首於是鮮卑自燉煌酒泉以東邑落大人皆詣遼東受賞賜青徐二州給錢歲二億七千萬以爲常和帝時鮮卑大都護校尉龐帥部衆從烏丸校尉任常擊叛者封校尉龐爲率衆王瑒帝延平中鮮卑乃東入塞殺漁陽太守張顯安帝時鮮卑大人燕荔陽入朝漢賜鮮卑王印綬赤車參駕止烏丸校尉所治甯下通胡市築南北兩部質宮受邑落質者二十部是後或反或降或與匈奴烏丸相攻擊安帝末發緣邊步

鄧遵

馬續

耿夔

騎二萬餘人屯列衝要後鮮卑八九千騎穿代郡及馬城塞入害長吏漢遣度遼將軍鄧遵中郎將馬續出塞追破之鮮卑大人烏倫其至韃等七千餘人詣遵降封烏倫爲王其至韃爲侯賜采帛遵去後其至韃復反圍烏丸校尉於馬城度遼將軍耿夔及幽州刺史救解之其至韃遂盛控弦數萬騎數道入塞趣五原寧朔攻匈奴南單于殺左奧韃日逐王順帝時復入塞殺代郡太守漢遣黎陽營兵屯中山緣邊郡兵屯塞下調五營督帥令教戰於南單于將步騎萬餘人助漢擊却之後烏丸

耿擘

校尉耿擘將率衆王出塞擊鮮卑多斬首虜於是鮮卑三萬餘落請遼東降匈奴及北單于遁逃後餘種十餘萬落請遼東雜處皆自號鮮卑兵投鹿侯從匈奴軍三年其妻在家有子投鹿侯歸恠欲殺之妻言嘗晝行聞雷震仰天視而電入其口因吞之遂妊身十月而產此子必有奇異且長之投鹿侯固不信妻乃語家令收養焉號檀石槐長大勇健智畧絕衆年十四五異部大人卜貴邑鈔取其外家牛羊檀石槐策騎追擊所向無前悉還得所凶由是部落畏服施法禁曲直莫敢犯者遂推

電一作雷

檀石槐

以爲大人檀石槐既立乃爲庭於高柳北二百餘里彈汗山啜仇水上東西部大人皆歸焉兵馬甚盛南鈔漢邊北拒丁令東却夫餘西擊烏孫蓋據匈奴故地東西萬二千餘里南北七千餘里用羅山川水澤鹽池甚廣漢患之相帝時使匈奴中郎將張奐征之不克乃更遣使者齎印綬卽封檀石槐爲王欲與和親檀石槐不肯受寇鈔滋甚乃分其地爲中東西三部從右北平以東至遼遼接夫餘貊爲東部二十餘邑其大人曰彌加闕機素利槐頭從右北平以西至上谷爲中部十餘邑其

夏育
田晏
臧曼

大人曰柯最闕居慕容等為大帥從上谷以西至
燉煌西接烏孫為西部二十餘邑其大人曰置鞬
落羅日律推演宴荔游等皆為大帥而制屬檀石
槐至靈帝時大鈔畧幽并二州緣邊諸郡無歲不
被其毒嘉平六年遣護烏丸校尉夏育破鮮卑中
郎將田晏匈奴中郎將臧曼與南單于出鴈門塞
三道並進徑二千餘里征之檀石槐帥部眾逆擊
曼等敗走兵馬還者什一而已鮮卑眾日多田育
射獵不足給食後檀石槐乃案行烏侯秦水廣袤
數百里渟不流中有魚而不能得聞汗人善捕魚

庶字後漢書作
之兼注之縣名屬
北地郡

於是檀石槐東擊汗國得千餘家徙置烏侯秦水
上使捕魚以助糧至于今烏侯秦水上有汗人數
百戶檀石槐年四十五死子和連代立和連材力
不及父而貪滯斷法不平眾叛者判靈帝末年數
為寇鈔攻北地北地庶人善弩射者射中和連和
連即死其子騫曼小兄子魁頭代立魁頭既立後
騫曼長大與魁頭爭國眾遂離散魁頭死弟步度
根代立自檀石槐死後諸大人遂世相襲也
步度根既立眾稍衰弱中兄扶羅韓亦別擁眾數萬
為大人建安中太祖定幽州步度根與軻比能等因

三國志
魏書
卷三十一

烏丸校尉閻柔上貢獻後代郡烏丸能臣氏等叛求
 屬扶羅韓扶羅韓將萬餘騎迎之到柔乾氏等議以
 為扶羅韓部威禁寬緩恐不見濟更遣人呼軻比能
 比能即將萬餘騎到當共盟誓比能便於會上殺扶
 羅韓扶羅韓子泄歸泥及部眾悉屬比能比能自以
 殺歸泥父特又善遇之步度根由是怨比能文帝踐
 阼田豫為烏丸校尉持節給護鮮卑屯昌平步度根
 遣使獻馬帝拜為王後數與軻比能更相攻擊步度
 根部眾稍寡弱將其眾萬餘落保太原鴈門郡步度
 根乃使人招呼泄歸泥曰汝父為比能所殺不念報

田豫

仇反屬怨家今雖厚待汝是欲殺汝計也不如還我
 我與汝是骨肉至親豈與仇等由是歸泥將其部落
 逃歸步度根比能追之弗及至黃初五年步度根請
 關貢獻厚加賞賜是後一心守邊不為寇害而軻比
 能眾遂彊盛明帝即位務欲緩和戎狄以息征伐羈
 縻兩部而已至青龍元年比能誘步度根深結和親
 於是步度根將泄歸泥及部眾悉保比能寇鈇并州
 殺畧吏民帝遣驍騎將軍秦朗征之歸泥叛比能將
 其部眾降拜歸義王賜幢麾曲蓋鼓吹居并州如故
 步度根為比能所殺

秦朗

軻比能本小種鮮卑，以勇健斷法平端，不貪財物，衆推以爲大人。部落近塞，自袁紹據河北，中國人多因叛歸之，教作兵器鎧楯，頗學文字，故其勒御部衆，擬則中國，出入弋獵，建立旌麾，以鼓節爲進退。建安中，因閭柔上貢獻，太祖西征關中，田銀反河間，比能將三千餘騎隨，不擊破，銀後代郡烏丸反，比能復助爲寇害。太祖以鄆陵侯彰爲驍騎將軍，北征大破之，比能走出塞，後復通貢獻。延康初，比能遣使獻馬，文帝亦立比能爲附義王。黃初二年，比能出諸魏人在鮮卑者五百餘家，還居代郡。明年，比能帥部落大人小

子代郡烏丸修武盧等三千餘騎，驅牛馬七萬餘口，交市，遣魏人千餘家居上谷，後與東部鮮卑大人素利及步度根三部爭鬪，更相攻擊。田豫和合，使不得相侵。五年，比能復擊素利，豫帥輕騎徑進掩其後，比能使別小帥瑣奴拒豫，豫進討破走之，由是懷貳乃與輔國將軍鮮于輔書曰：夷狄不識文字，故校尉閭柔保我於天子，我與素利爲讐，往年攻擊之，而田校尉助素利，我臨陣使瑣奴往，聞使君來，即便引軍退，步度根數數鈔盜，又殺我弟，而誣我以鈔盜。我夷狄雖不知禮義，兄弟子孫受天子印綬，牛馬尚知羊水

鮮于輔

誣

草况我存人心邪將軍當保明我於天子輔得書以
聞帝帝復使豫招納安慰比能衆遂彊盛控弦十餘
萬騎每鈔畧得財物均平分佈一決目前終無所私
故得衆死力餘部大人皆敬憚之然猶未能及檀石
槐也太和二年豫遣譯夏舍詣比能女塔壘築鞬部
合爲鞬所殺其秋豫將西部鮮卑蒲頭泄歸泥出塞
誘壘築鞬大破之還至馬城比能自將三萬騎圍豫
七日上谷太守閻志柔之弟也素爲鮮卑所信志往
解諭卽解圍去後幽州刺史王雄并領校尉撫以恩
信比能數款塞詣州奉貢獻至青龍元年比能誘納

韓龍

步度根使叛并州與結和親自勒萬騎迎其累重於
陘北并州刺史畢軌遣將軍蘇尚董弼等擊之比能
遣子將騎與尚等會戰於樓煩臨陣害尚弼至三年
中雄遣勇士韓龍刺殺比能更立其弟素利彌加厥
機皆爲大人在遼西右北平漁陽塞外道遠初不爲
邊患然其種衆多於比能建安中因閻柔上貢獻通
市太祖皆表寵以爲王厥機歿又立其子沙末汗爲
親漢王延康初又各遣使獻馬文帝立素利彌加爲
歸義王素利與比能更相攻擊太和二年素利歿于
小以弟成律歸爲王代攝其衆

書稱東漸于海西被于流沙其九服之制可得而言也然荒域之外重譯而至非足跡車軌所及未有知其國俗殊方者也自虞暨周西戎有白環之獻東夷有肅慎之貢皆曠世而至其遐遠也如此及漢氏遣張騫使西域窮河源經歷諸國遂置都護以總領之然後西域之事具存故史官得詳載焉魏興西域雖不能盡至其大國龜茲于寘康居烏孫疎勒月氏鄯善車師之屬無歲不奉朝貢畧如漢氏故事而公孫淵仍父祖三世存遼東天子爲其絕域委以海外之事遂隔斷東夷不得通於諸夏景初中大興師旅誅

淵又潛軍浮海收樂浪帶方之郡而後海表謐然東夷屈服其後高句麗背叛又遣偏師致討窮追極遠踰烏丸骨都過沃沮踐肅慎之庭東臨大海長老說有異面之人近日之所出遂周觀諸國采其法俗小大區別各有名號可得詳紀雖夷狄之邦而俎豆之象存中國失禮求之四夷猶信故撰次其國列其同異以接前史之所未備焉

夫餘在長城之北去玄菟千里南與高句麗東與挹婁西與鮮卑接北有弱水方所二千里戶八萬其民土著有宮室倉庫牢獄多山陵廣澤於東夷之域最

澤

布

平敵土地宜五穀不生五果其人麤大性彊勇謹厚
不寇鈔國有君王皆以六畜各官有馬加牛加豬加
狗加犬使犬使者使者邑落有豪民各下戶皆為奴
僕諸加別主四出道犬堵主數千家小者數百家食
飲皆用俎豆會同拜爵洗爵揖讓升降以殷正月祭
天國中大會連日飲食歌舞名曰迎鼓於是時斷刑
獄解囚徒在國衣尚白白衣太袂袍袴履革鞜出國
則尚繡繡錦罽大人加狐狸狔白黑貂之裘以金銀
飾帽譯人傳辭皆跪手據地竊語用刑嚴急殺人者
死沒其家人為奴婢竊盜一責十二男女淫婦人妬

皆殺之尤懼妬已殺尸之國南山上至腐爛女家欲
得輸牛馬乃與之兄死妻嫂與匈奴同俗其國善養
牲出名馬赤玉貂狔美珠珠大者如酸棗以弓矢刀
矛為兵家家自有鎧仗國之耆老自說古之亾人作
城柵皆具有階牢獄行道晝夜無老幼皆歌通日聲
不絕無軍事亦祭天殺牛觀蹄以占吉凶蹄解者為
凶合者為吉有敵諸加自戰下戶俱攜糧飲食之其
死夏月皆用水殺人狗葬多者百數厚葬有棺無槨
魏畧曰其俗停喪五月以久為榮其祭亾者有生
有熟喪主不欲速而他人彊之常諍引以此為節

其居喪男女皆純白婦人着布面衣去環珮大體與中國相倣也。

夫餘本屬玄菟漢末公孫度雄張海東威服外夷夫餘王尉仇台更屬遼東時句麗鮮卑疆度以夫餘在二虜之間妻以宗女尉仇台歿簡位居立無適子有孽子麻余位居歿諸加共立麻余牛加兄子名位居為大使輕財善施國人附之歲歲遣使詣京都貢獻正始中幽州刺史毋丘儉討句麗遣玄菟太守王願詣夫餘位居遣大加郊迎供軍糧季父牛加有二心位居殺季父父子籍沒財物遣使薄歛送官舊夫餘

大當作犬

簿

俗水旱不調五穀不熟輒歸咎於王或言當易或言當殺麻余死其子依慮年六歲立以為王漢時夫餘王葬用玉匣常豫以付玄菟郡王歿則迎取以葬公孫淵伏誅玄菟庫猶有玉匣一具今夫餘庫有玉璧珪瓚數代之物傳世以為寶者老言先代之所賜也魏畧曰其國殷富自先世以來未嘗破壞其印文言濊王之印國有故城名濊城蓋本濊貊之地而夫餘王其中自謂亾人抑有似也

魏畧曰舊志又言昔北方有橐離之國者其王者侍婢有身王欲殺之婢言有氣如雞子來下我故

濊

有身後生子王捐之於溷中豬以喙噓之徙至馬
閑馬以氣噓之不死王疑以為天子也乃令其母
收畜之各曰東明常令牧馬東明善射王恐奪其
國也欲殺之東明走南至施掩水以弓擊水魚鼈
浮為橋東明得度魚鼈乃解散追兵不得渡東明
因都王夫餘之地

高句麗在遼東之東千里南與朝鮮濊貊東與沃沮
北與夫餘接都於丸都之下方可二千里戶三萬多
大山深谷無原澤隨山谷以為居食澗水無良田雖
加佃作不足以實口腹其俗節食好治官室於所居

急 沛

之左右立大屋祭鬼神又祀靈星社稷其人性凶急
喜寇鈔其國有王其官有相加對盧者古雜加主
簿優台丞使者卑衣先人尊卑各有等級東夷舊語
以為夫餘別種言語諸事多與夫餘同其性氣衣服
有異本有五族有消奴部絕奴部順奴部灌奴部桂
婁部本消奴部為王稍微弱今桂婁部代之漢時賜
鼓吹技人常從玄菟郡受朝服衣幘高句麗令主其
名籍後稍驕恣不復詣郡于東界築小城置朝服衣
幘其中歲時來取之今胡猶名此城為幘溝濊溝濊
者句麗名城也其置官有對盧則不置沛者在沛者

則不置對盧王之宗族其大加皆稱古雛加涓奴部
本國生今雖不為王適統大人得稱古雛加亦得立
宗廟祠靈星社稷絕奴部世與王婚加古雛之號諸
大加亦自置使者卑衣先人名皆達於王如卿大夫
之家臣會同坐起不得與王家使者卑衣先人同列
其國中大家不佃作坐食者萬餘口下戶遠擔米糧
魚鹽供給之其民喜歌舞國中邑落暮夜男女群聚
相就歌戲無大倉庫家家自有小倉各之為釋京其
人潔清自喜善藏釀跪拜申一脚與夫餘異行步皆
是以十月祭天國中大會名曰東盟其公會衣服皆

錦繡金銀以自飾大加主簿頭著幘如幘而無後其
小加著折風形如弁其國東有大穴名隧穴十月國
中大會迎隧神還于國東上祭之置木隧于神坐無
牢獄有罪諸加評議便殺之没入妻子為奴婢其俗
作婚姻言語已定女家作小屋於大屋後名塔屋昏
暮至女家戶外自各跪拜乞得就女宿如是者再三
女父母乃聽使就小屋中宿傍頓錢帛至生子已長
大乃將婦歸家其俗淫男女已嫁娶便稍作送終之
衣厚葬金銀財幣盡于送死積石為封列種松柏其
馬皆小便登山國人有氣力習戰鬪沃沮東濊皆屬

焉又有小水，名曰麗，作國，依大水而居。西安平縣北有
小水，南流入海，名曰麗，別種依小水作國，因名之，為
小水，名曰麗，出好弓，所謂麗弓是也。王莽初發高句麗兵
以伐胡，不欲行，彊迫遣之，皆亡出塞，為寇盜。遼西大
尹田譚追擊之，為所殺。州郡縣歸咎于麗，且宜安慰。今猥被之
尤，奏言：「豹人犯法，罪不起于駒，且宜安慰。」今猥被之
大罪，忘其遂反，莽不聽，詔尤擊之。尤誘期，句麗侯駒
至而斬之，傳送其首詣長安，莽大悅，布告天下，更名
高句麗為下句麗。當此時，為侯國。漢光武帝八年，高
句麗王遣使朝貢，始見稱王。至殤安之間，句麗王宮

桓

耿臨

數寇遼東，更屬玄菟。遼東太守蔡風、玄菟太守姚光
以官為二郡害，興師伐之。官詐降，請和，二郡不進。官
密遣軍攻玄菟，焚燒候城，入遼隧，殺吏民。後官復犯
遼東，蔡風遣將吏士追討之，軍敗沒，官死。子伯固立，
順桓之間，復犯遼東，寇新安，居鄉。又攻西安，平于道
上，殺帶方令，略得樂浪太守妻子。靈帝建寧二年，玄
菟太守耿臨討之，斬首虜數百級。伯固降，屬遼東。嘉
平中，伯固乞屬玄菟。公孫度之，雄海東也。伯固遣大
加優，居主簿。然人等助度擊富山賊，破之。伯固死，有
二子，長子拔奇，小子伊夷模。拔奇不肖，國人便共立

康

伊夷模為王自伯固時數寇遼東又受亡胡五百餘家建安中公孫康出軍擊之破其國焚燒邑落拔奇怨為兒而不得立與洎奴加各將下戶三萬餘口詣康降還住沸流水降胡亦叛伊夷模伊夷模更作新國今日所在是也拔奇遠往遼東有子留句麗國今古雛加駁位居是也其後復擊玄菟玄菟與遼東合擊大破之伊夷模無子潘灌奴部生子名位宮伊夷模死立以為王今句麗王宮是也其曾祖名宮生能開日視其國人惡之及長大果凶虐數寇鈇國見殘破今王生墮地亦能開日視人句麗呼相似為位似

其禡故名之為位宮位宮有力勇便鞍馬善獵射景初二年太尉司馬宣王率眾討公孫淵宮遣主簿大加將數千人助軍正始三年宮寇西安平其五年為幽州刺史毋丘儉所破語在儉傳

東沃沮在高句麗蓋馬大山之東瀉大海而居其地形東北狹西南長可千里北與挹婁夫餘南與濊貊接戶五千無大君王世世邑落各有長帥其言語與句麗大同時時小異漢初燕亡人衛滿王朝鮮時沃沮皆屬焉漢武帝元封二年伐朝鮮殺滿孫右渠分其地為四郡以沃沮城為玄菟郡後為夷貊所侵徙

沃

郡句麗西北今所謂玄菟故府是也沃沮還屬樂浪漢以土地廣遠在單單大領之東分置東部都尉治不耐城別置領東七縣時沃沮亦皆為縣漢光武六年省邊郡都尉由此罷其後皆以其縣中渠帥為縣侯不耐華麗沃沮諸縣皆為侯國夷狄更相攻伐唯不耐滅侯至今猶置功曹主簿諸曹皆減民作之沃沮諸邑落渠帥皆自稱三老則故縣國之制也國小迫于大國之間遂臣屬句麗句麗復置其中大人為使者使相主領又使大加統責其租稅貂布魚鹽海中食物千里擔負致之又送其美女以為婢妾遇之

稅一本作賦

如奴僕其土地肥美背山向海宜五穀善田種人性質直彊勇少牛馬便持矛步戰食飲居處衣服禮節有似句麗

設字疑

魏略曰其嫁娶之法女年十歲已相設許壻家迎之長養以為婦至成人更還女家女家責錢錢畢乃復還壻

其葬作大木槨長十餘丈開一頭作戶新死者皆假埋之木使覆形皮肉盡乃取骨置槨中舉家皆共一槨刻木如生形隨死者為數又有瓦甕置米其中編縣之於槨戶邊毋丘儉詩句麗王官奔沃沮遂

進師擊之沃沮邑落皆破之斬獲首虜三千餘級官
奔北沃沮北沃沮一名置溝婁去南沃沮八百餘里
其俗南北皆同與挹婁接挹婁喜乘船寇鈔北沃沮
畏之夏月恒在山巖深穴中爲守備冬月冰凍船道
不通乃下居村落王頎別遣追討官盡其東界問其
耆老海東復有人不耆老言國人嘗乘船捕魚遭風
吹數十日東得一島上有人言語不相曉其俗常
以七月取童如沈海又言有一國亦在海中純如無
男又說得一布衣從海中浮出其身如中國人衣其
兩袖長三丈又得一破船隨波出在海岸邊有一人

一頭中復有面生得之與語不相通不食而死其域
皆在沃沮東大海中

挹婁在夫餘東北千餘里濱大海南與北沃沮接未
知其北所極其土地多山險其人形似夫餘言語不
與夫餘句麗同有五穀牛馬麻布人多勇力無大君
長邑落各有大人處山林之間常穴居大家深九梯
以多爲好土氣寒劇於夫餘其俗好養豬食其肉衣
其皮冬以豬膏塗身厚數分以禦風寒夏則裸袒以
尺布隱其前後以蔽形體其人不潔作溺在中央人
圍其表居其弓長四尺力如弩矢用楛長尺八寸青

石爲鏃古之肅慎氏之國也善射射人皆入因矢施
毒人中皆死出赤玉好貂今所謂挹婁貂是也自漢
以來臣屬夫餘夫餘責其租賦重以黃初中叛之夫
餘數伐之其人衆雖少所在山險鄰國人畏其弓矢
卒不能服也其國便乘船寇盜鄰國患之東夷飲食
類皆用俎豆唯挹婁不法俗最無綱紀也濊南與辰
韓北與高句麗沃沮接東窮大海今朝鮮之東皆其
地也戶二萬昔箕子既適朝鮮作八條之教以教之
無門戶之閉而民不爲盜其後四十餘世朝鮮侯准
僭號稱王陳勝等起天下叛秦燕齊趙民避地朝鮮

數萬口燕人衛滿雕結夷服復來王之漢武帝伐濊
朝鮮分其地爲四郡自是之後胡漢稍別無大君長
自漢已來其官有侯邑君三老統主下戶其耆老舊
自謂與句麗同種其人性愿慤少嗜欲有廉耻不請
句麗言語法俗大抵與句麗同衣服有異男女衣皆
著曲領男子繫銀花廣數寸以爲飾自單單大自領
以西屬樂浪自領以東七縣都尉主之皆以濊爲民
後省都尉封其渠帥爲侯今不耐濊皆其種也漢末
更屬句麗其俗重山川山川各有部分不得妄相涉
入同姓不婚多忌諱疾病死亡輒捐棄舊宅更作新

大

居有麻布蠶桑作縣曉候星宿豫知年歲豐約不以珠玉為寶常用十月節祭天晝夜飲酒歌舞名之為舞天又祭虎以為神其邑落相侵犯輒相罰責生口牛馬名之為責禍殺人者償死少寇盜作矛長三丈或數人共持之能步戰樂浪檀弓出其地其海出魚皮土地饒文豹又出果下馬漢桓時獻之

臣松之按果下馬高三尺乘之可于果樹下行故謂之果下見博物志魏都賦

正始六年樂浪太守劉茂帶方太守弓遵以領東濊屬句麗與師伐之不耐侯等舉邑降其八年請闕朝

劉茂
弓遵

貢詔更拜不耐濊王居處雜在民間四時詣郡朝謁二郡有軍征賦調供給役使遇之如民

韓在帶方之南東西以海為限南與倭接方所四千里有三種一曰馬韓二曰辰韓三曰弁韓辰韓者古之辰國也馬韓在西其民土著種植知蠶桑作綿布各有長帥大者自名為臣智其次為邑借散在山海間無城郭有爰襄國牟水國桑外國小石索國大石索國優休牟涿國臣濟活國伯濟國速盧不斯國日華國古誕者國古離國怒藍國月支國咨離牟盧國素謂乾國古爰國莫盧國卑離國古離卑國臣豐國

白一本作白

支侵國、狗盧國、卑彌國、監奚卑離國、古蒲國、致利鞠國、冉路國、兒林國、駟盧國、內卑離國、感奚國、萬盧國、辟卑離國、白斯烏且國、一離國、不彌國、支半國、狗素國、捷盧國、牟盧卑離國、臣蘇塗國、莫盧國、古臘國、臨素半國、臣雲新國、如來卑離國、楚山塗卑離國、一離國、狗奚國、不雲國、不斯濱邪國、爰池國、乾馬國、楚離國、凡五十餘國、大國萬餘家、小國數千家、總十餘萬、只辰王治、月支國、臣智或加、優呼臣雲遣支報安邪、馱支濱臣離兒不例、拘邪秦支廉之號、其官有魏率善邑君、歸義侯、中郎將、都尉、伯長、侯、准既僭號稱王、

為燕亡人衛滿所攻奪

前此未稱王
大夫禮

魏略曰：昔箕子之後，朝鮮侯見周衰，燕自尊為王，欲東略地，朝鮮侯亦自稱為王，欲與兵遮擊燕，以尊周室。其大夫禮諫之，乃止。使禮西說燕，燕止之。不攻。後子孫稍驕虐，燕乃遣將秦開攻其西方，取地二千餘里，至滿、潘、汗，為界。朝鮮遂弱。及秦滅六國，使蒙恬築長城，到遼東。時朝鮮王不立，畏秦襲之，略服屬秦，不肯朝會。否死，其子準立，二十餘年。而陳項起，天下亂，燕、齊、趙民愁苦，稍稍亡。往，準準乃置之于西。左及漢，以盧縮為燕王。朝鮮與燕界。

於漢水及綰反入匈奴燕人衛滿亡命為胡服東
 度漢水詣準降說準求居西界故中國亡命為朝
 鮮藩屏準信寵之拜為博士賜以圭封之百里令
 守西邊滿誘亡黨眾稍多乃詐遣人告準言漢兵
 十道至求入宿衛遂還攻準準與滿戰不敵七
 將其左右宮人走入海居韓地自號韓王

魏略曰其子及親留在國者因昆姓韓氏準王海
 中不與朝鮮相往來

其後絕滅今韓人猶有奉其祭祀者漢時屬樂浪郡
 四時朝謁

歷谿卿

廉斯鑄

戶來

林木
材木
作

魏略曰初右渠未被時朝鮮相歷谿卿以諫右渠
 不用東之辰國時民隨出居者二千餘戶亦與朝
 鮮貢蓋不相往來至王莽地皇時廉斯鑄為辰韓
 右渠帥聞樂浪土地美人民饒樂亡欲來降出其
 邑落見田中驅雀男子一人其語非韓人問之男
 子曰我等漢人名戶來我等輩千五百人伐木不
 為韓所擊得皆斷髮為奴積三年矣鑄曰我當降
 漢樂浪汝欲去不戶來曰可辰鑄因將戶來來出
 詣合資縣縣言郡郡即以鑄為譯從其中乘大船
 入辰韓逆取戶來降伴輩尚得千人其五百人已

年疑并

死。鎬時曉謂辰韓汝還五百人若不者樂浪當遣萬兵乘船來擊汝辰韓曰五百人已死我當出贖直耳乃出辰韓萬五千人牟韓布萬五千匹鎬收取直還郡表鎬功義賜冠幘田宅子孫數世至安帝延光四年時故受復除

公孫康
張敞

桓靈之末韓濊疆盛郡縣不能制民多流入韓國建安中公孫康分屯有縣以南荒地為帶方郡遣公孫模張敞等收集遺民興兵伐韓濊舊民稍出是後倭韓遂屬帶方景初中明帝密遣帶方太守劉昕樂浪太守鮮于嗣越海定一郡諸韓國臣皆加賜邑君印

韓愈之韓疑行

綬其次與邑長其俗好衣幘下戶誦郡朝謁皆假衣幘自服印綬衣幘千有餘人部從事吳林以樂浪本統韓國分討辰韓八國以與樂浪吏譯轉有異同臣智激韓愈攻帶方郡崎離營時太守弓遵樂浪太守劉茂與兵伐之遵戰死二郡遂滅韓其俗少綱紀國邑雖有主帥邑落雜居不能善相制御無跪拜之禮居處作草屋土室形如冢其戶在上舉家共在中無長幼男女之別其葬有棺無槨不知乘牛馬牛馬盡于送死以嬰珠為財寶或以綬衣為飾或以縣頸垂耳不以金銀錦繡為珍其人性疆勇魁頭露紒如昆

兵衣布袍足履革躡其國中有所爲及官家使築城郭諸年少勇健者皆鑿春皮以大繩貫之又以丈許木鍾之通日嚙呼作力不以爲痛旣以勤作且以爲德常以五月下種訖祭鬼神羣聚歌舞飲酒晝夜無休其舞數十人俱起相隨踏地低昂手足相應節奏有似鐸舞十月農功畢亦復如之信鬼神國邑各立一人主祭天神名之天君又諸國各有別邑名之爲蘇塗立大木懸鈴鼓事鬼神諸亡逃至其中皆不還之好作賊其立蘇塗之義有似浮屠而所行善惡有異其北方近郡諸國差曉禮俗其遠處直如囚徒

奴婢相聚無他珍寶禽獸草木略與中國同出大栗大如梨又出細尾雞其尾皆長五尺餘其男子時時有文身又有州胡在馬韓之西海中大島上其人差短小言語不與韓同皆髡頭如鮮卑但衣裳好養牛及豬其衣有上無下略如裸勢乘船往來市買中韓辰韓在馬韓之東其耆老傳世自言古之亡人遊秦後來適韓國馬韓割其東界地與之有城柵其言語不與馬韓同各國爲邦弓爲弧賊爲寇行酒爲行觴相呼皆爲徒有似秦人非但燕齊之名物也各樂浪人爲阿殘東方人名我爲阿謂樂浪人奉其殘餘人

邑借一本作借邑
按馬韓亦有邑借
則一本為非

尸作尸

由一本作中

今有名之為秦韓者始有六國稍分為十二國
弁辰亦十二國又有諸小別邑各有渠帥大者名臣
智其次有險側次有樊濊次有殺奚次有邑借有已
抵國不斯國弁辰彌離彌凍國弁辰接塗國勤耆國
難彌離彌凍國弁辰古資彌凍國弁辰古涇是國
奚國弁辰半路國弁樂奴國軍彌國弁軍彌國弁辰
彌烏邪馬國如湛國弁辰甘路國尸路國州鮮國馬
延國弁辰狗邪國弁辰定漕馬國弁辰安邪國馬延
國弁辰瀆盧國斯盧國優由國弁辰韓合二十四國
大國四五千家小國六七百家摠四五萬戶其十二

國屬辰王辰王常用馬韓人作之世世相繼辰王不
得自立為王

魏略曰明其為流移之人故為馬韓所制

土地肥美宜種五穀及稱曉蠶桑作練布乘駕牛馬
嫁娶禮俗男女有別以大鳥羽送死其意欲使死者
飛揚

魏略曰其國作屋橫累木為之有似牢獄也

用鐵夾也

國出鐵韓濊倭皆從取之諸市買皆用鐵如中國用
錢又以供給二郡俗喜歌舞飲酒有瑟其形似筑彈
之亦有音曲兒生便以石厭其頭欲其福今辰韓人

皆褊頭男女近倭亦文身便步戰兵仗與馬韓同其俗行者相逢皆住讓路

弁辰與辰韓雜居亦有城郭衣服居處與辰韓同言語法俗相似祠祭鬼神有罽施竈皆在戶西其瀆盧國與倭接界十二國亦有王其人形皆大衣服潔清長髮亦作廣幅細布法俗特嚴峻

倭人在帶方東南大海之中依山島為國邑舊百餘國漢時有朝見者今使譯所通三十國從郡至倭循海岸水行歷韓國乍南乍東到其北岸狗邪韓國七千餘里始度一海千餘里至對馬國其大官曰卑狗

訛曰卑奴毋離所居絕島方可四百餘里土地山險多深林道路如禽鹿徑有千餘戶無良田食海物自活乘船南北市糴又南渡一海千餘里各曰瀚海至一大國官亦曰卑狗訛曰卑奴毋離方可三百里多竹木叢林有三千許家差有田地耕田猶不足食亦南北市糴又渡一海千餘里至末盧國有四千餘戶濱山海居草木茂盛行不見前人好捕魚鱧水無深淺皆沈沒取之東南陸行五百里到伊都國官曰爾支訛曰泄謨觚柄渠觚有千餘戶世有王皆統屬女王國郡使往來常所駐東南至奴國百里官曰兒馬

三本作二

壹後漢書作壹

三國志 魏書三十
觚訛曰卑奴毋離有三萬餘戶東行至不彌國百里
官曰多模訛曰卑奴毋離有千餘家南至投馬國水
行二十日官曰彌彌訛曰彌彌那利可五萬餘戶南
至邪馬壹國女王之所都水行十日陸行一月官有
伊支馬次曰彌馬飛次曰彌馬獲支次曰奴佳鞮可
七萬餘戶自女王國以北其戶數道里可得略載其
餘旁國遠絕不可得詳次有斯馬國次有已百支國
次有伊邪國次有都支國次有彌奴國次有好古都
國次有不呼國次有姐奴國次有對蘇國次有蘇奴
國次有呼邑國次有華奴蘇奴國次有鬼國次有爲

都一作郡

治
拓字疑

吾國次有鬼奴國次有邪馬國次有躬臣國次有巴
利國次有支惟國次有烏奴國次有奴國此女王境
界所盡其南有狗奴國男子爲王其官有狗古智卑
狗不屬女王自郡至女王國萬二千餘里男子無大
小皆黥面文身自舌以來其使詣中國皆自稱大夫
夏后少康之子封於會稽斷髮文身以避蛟龍之害
今倭水人好沈沒捕魚蛤文身亦以厭大魚水禽後
稍以爲飾諸國文身各異或左或右或大或小尊卑
有差詐其道里當在會稽東海之東其風俗不淫男
子皆露紵以木絲招頭其衣橫幅但結束相連略無

縫婦人被髮屈紒作衣如單被穿其中央貫頭衣之
種禾稻紵麻蠶桑緝績出細紵縑繅其地無牛馬虎
豹羊鵲兵用矛楯木弓木弓短下長上竹箭或鐵鏃
或骨鏃所有無與儋耳朱崖同倭地溫暖冬夏食生
菜皆徒跣有屋室父母兄弟臥息異處以朱丹塗其
身體如中國用粉也食飲用籩豆手食其死存棺無
槨封土作家始死停喪十餘日當時不食肉喪主哭
泣他人就歌舞飲酒已葬舉家詣水中澡浴以如練
沐其行來渡海詣中國恒使一人不梳頭不去蟻蝨
衣服垢污不食肉不近婦人如喪人名之為持衰若

行者吉善共顧其生口財物若有疾病遭暴害便欲
殺之謂其持衰不謹出真珠青玉其山有丹其木有
柗杼豫樟梓櫪投檀烏號楓香其竹篠箬桃支有薑
橘椒蘘荷不知以為滋味有獼猴黑雉其俗舉事行
來有所云為輒灼骨而卜以占吉凶先告所卜其辭
如令龜法視火坵占兆其會同坐起父子男女無別
人性嗜酒

魏略曰其俗不知正歲四節但記春耕秋收為年
紀

見大人所敬但搏手以當跪拜其人壽考或百年或

日本島國諸國二字是

八九十年其俗國大人皆四五婦下戶或二三婦婦人不淫不妬忌不盜竊少諍訟其犯法輕者沒其妻子重者滅其門戶及宗族尊卑各有差序足相臣服收租賦有邸閣國國有市交易有無使大倭監之自女王國以北特置一大率檢察諸國畏憚之常治伊都國於國中有如刺史王遣使詣京都帶方郡諸韓國及郡使倭國皆臨津搜露傳送文書賜遺之物詣女王不得差錯下戶與大人相逢道路逡巡入草傳辭說事或蹲或跪兩手據地為之恭敬對應聲曰噫比如然議其國本亦以男子為王住七八十年倭國

亂相攻伐歷年乃共立一女子為王名曰卑彌呼事鬼道能惑眾年已長大無夫婿有男弟佐治國自為王以來少有見者以婢千人自侍唯有男子一人給飲食傳辭出入居處宮室樓觀城柵嚴設常有入持兵守衛女王國東渡海千餘里復有國皆倭種又有侏儒國在其南人長三四尺去女王四千餘里又有裸國黑齒國復在其東南船行一年可至參脚倭地絕在海中洲島之上或絕或連周旋可五千餘里景初二年六月倭女王遣大夫難升米等詣郡求詣天子朝獻太守劉夏遣吏將送詣京都其年十二月詔

劉夏

書報倭女王曰制詔親魏倭王卑彌呼帶方太守劉夏遣使送汝大夫難升米次使都市牛利奉汝所獻男生口四人女生口六人班布二匹二疋以到汝所在踰遠乃遣使貢獻是汝之忠幸我甚哀汝今以汝為親魏倭王假金印紫綬裝封付帶方太守假授汝其綬撫種人勉為孝順汝來使難升米牛利涉遠道路勤勞今以難升米為率善中郎將牛利為率善校尉假銀印青綬引見勞賜遣還今以絳地交龍錦五匹

臣松之以為地應為緜漢文帝着皂衣謂之弋緜

路

詔書在

是也此字不體非魏朝之失則傳寫者誤也

絳地縹栗罽十張舊絳五十四匹緝青五十四匹蒼汝所獻貢直又特賜汝緝地句文錦三匹細班華罽五張白絹五十匹金八兩五尺刀二口銅鏡百枚真珠鈿丹各五十斤皆裝封他難升米牛利還到錄受悉可以示汝國中人使知國家哀汝故鄭重賜汝好物也正始元年太守弓遵遣建中校尉梯儁等奉詔書印綬詣倭國拜假倭王并齎詔賜金帛錦罽刀鏡采物倭王因使上表答謝恩詔其四年倭王復遣使大夫伊聲耆掖邪狗等八人上獻生口倭錦絳青縑絲衣

史

早彌

張政

帛布丹木射短弓矢掖邪狗等壹拜率善中郎將印
 綬其六年詔賜倭難升米黃幢什郡假授其八年太
 守王順到官倭女王卑彌呼與狗奴國男王卑彌弓
 呼素不相遣倭載斯烏越等詣郡說相攻擊狀遣塞
 曹掾張政等因齎詔書黃幢拜假難升米為檄告
 諭之太彌呼以死大作冢徑百餘步狗葬者奴婢百
 餘人更立男王國中不服更相誅殺當時殺千餘人
 復立卑彌呼宗女壹與年十三為王國中遂定政等
 以檄告諭壹與壹與遣倭大夫李善中郎將掖邪狗
 等二十人送政等還因詣臺獻上男女生口三十人

貢白珠五千孔青大句珠二枚異文雜錦二十四
 評曰史漢秦朝鮮兩越東京撰錄西羌魏世匈奴遂
 衰更有烏丸鮮卑爰及東夷使譯時通記述隨事豈
 常也哉

魏略曰西戎傳曰氏人有王所從來久矣自漢開
 益州置武都郡徙其種人分竄山谷間或在福祿
 或在汧隴左右其種非一稱槃瓠之後或號青氏
 或號白氏或號蚺氏此蓋蟲之類而處中國人即
 其服色而名之也其自相號曰蓋稚各有王侯多
 受中國封拜近去建安中興國氏王阿貴白項氏

王千萬各有部落萬餘至十六年從馬超為亂超破之後阿貴為夏侯淵所攻滅千萬西南入蜀其部落不能去皆降國家分徙其前後兩端者置扶風美陽今之安夷撫夷二部護軍所典是也其太守善分留天水南安界今之廣平魏郡所守是也其俗語不與中國同及羌雜胡同各自有姓姓如中國之姓矣其衣服尚青絳俗能織布善田種畜養豕牛馬驢騾其婦人嫁時著袒露其緣飾之制有似羌袒露有似中國袍皆編髮多知中國語由與中國錯居故也其自還種落間則自氏語其嫁

娶有似于羌此蓋乃昔所謂西戎在于街冀源道者也今雖都統于郡國然故自有王侯在其虛落間又故武都地陰平街左右亦有萬餘落貫虞本匈奴也匈奴各奴婢為質始建武時匈奴衰分去其奴婢亡匿在金城武威酒泉北黑水西河東西畜牧逐水草抄盜涼州部落稍多有數萬不與東部鮮卑同也其種非一有大胡有丁令或頗有羌雜處由本亡奴婢故也當漢魏之際其大人有檀拓死後其枝大人南近在廣魏今居界有禿瑰來數反為涼州所殺今有劭提或降來或遁去當為

媯

西州道路患也。燉煌西域之南山中從玉羗西至葱嶺五千里有月氏餘種葱苾羗白馬黃牛羗各有首象北與諸國接不知其道里廣狹傳聞黃牛羗各有種類孕身六月生南與白馬羗鄰西域諸國漢初開其道時有三十六後分為五十餘從建武以來更相吞滅于今有二十道從燉煌玉門關入西域前有二道今有三道從玉門關西出經媯羗轉西越葱嶺經縣度入大月氏為南道從玉門關西出發都護井回三隴沙北頭經居盧倉從沙西井轉西北過龍堆到故樓蘭轉西詣龜茲至

蘭

杆禾作杆

穴

葱嶺為中道從玉門關西北出經橫坑僻三隴沙及龍堆出五船北到車師界戊巳校尉所治高昌轉西與中道合龜茲為新道北西域所出有前史已具詳今故略說南道西行且志國小宛國精絕國樓蘭國皆并屬鄯善也戎盧國扞彌國渠勒國皮定國皆并屬于寘罽賓國大夏國高附國天竺國皆并屬大月氏臨兒國浮屠經云其國王生浮屠浮屠太子也父曰屑頭邪母云莫邪浮屠身服色黃髮青如青絲乳青毛蛉赤如銅始莫邪夢白象而孕及生從母左脅出生而有結墮地能行

服當作版

七步此國在天竺城中天竺又有神人名沙律昔漢哀帝元壽元年博士弟子景盧受大月氏王使伊存口受浮屠經曰復立者其人也浮屠所載臨蒲塞桑門伯聞疏問比丘晨門皆弟子號也浮屠所載與中國老子經相出入蓋以為老子西出關過西域之天竺教胡浮屠屬弟子別號合有二十九不能詳載故略之如此 車離國一名禮惟特一名沛隸王在天竺東南二千餘里其地卑溼暑熱其王治沙奇城有別城數十人民怯弱月氏天竺擊服之其地東西南北數千里人民男

女皆長一丈八尺乘象橐駝以戰今月氏役稅之盤越國一名漢越正在天竺東南數千里與益部相近其人小與中國人等蜀人賈似至焉南道而西極轉東南盡矣中道西行尉黎國危須國山王國皆并屬焉耆姑墨國温宿國尉頭國皆并屬龜茲也楨中國莎車國竭石國渠沙國西夜國依附國滿犁國億若國榆令國捐毒國休修國琴國皆并屬疏勒自是以西大宛安息條支烏弋烏弋一名排持此四國次在西本國也無增損前世謬以為條支在大秦西今其實在東前世又謬以為疆

三國志 魏書三十
於安息今更役蠶之號為安息西界前世又謬以
為弱水在條支西今弱水在大秦西前世又謬以
為從條支西行二百餘日近日所入今從大秦西
近日所入大秦國一號犁靽在安息條支西大海
之西從安息界安谷城乘船直截海西遇風利二
月到風遲或一歲無風或三歲其國在海西故俗
謂之海西有河出其國西又有大海海西有遲散
城從國下直北至烏丹城西南又渡一河乘船一
日乃過西南又渡一河一日乃過凡有大都三却
從安谷城陸道直北行之海北復直西行之海西

復直南行經之烏遲散城渡一河乘船一日乃過
周廻繞海凡當渡大海六日乃到其國國有小城
邑合四百餘東西南北數千里其王治濱側河海
以初為城郭其土地有松柏槐梓竹葦楊柳梧桐
百草民俗田種五穀畜乘有馬騾驢駱桑蚕俗
多奇幻口中出火自縛自解跳十二九巧妙其國
無常王國中有災異輒更立賢人以為王而生放
其故王王亦不敢怨其俗人長大平正似中國人
而胡服自云本中國一別也常欲通使於中國而
安息圖其利不能得過其俗能胡書其制度公私

十一作二十
常王一本作常王

宮室爲重屋旌旗擊鼓白蓋小車鄗驛亭置如中國從安息繞海北到其國人民相屬十里一亭三十里一置終無盜賊但有猛虎獅子爲害行道不羣則不得過其國置小王數十其王所治城周回百餘里有官曹文書王有五宮一宮間相去十里其王平日之一宮聽事至日暮一宿明日復至一宮五日一周置三十六將每議事一將不至則不議也王出行常使從人持一韋囊自隨有言者受其辭投囊中還宮乃省爲決理以水晶作宮柱及器物作弓矢其別枝卦小國曰澤散王曰鹽分

王曰且蘭王曰賢督王曰汜復王曰于羅王其餘小王國甚多不能一一詳之也國出細絲作金銀錢金錢一當銀錢十有織成細布言用永羊毳名曰海西布此國六畜皆出永或云非獨羊毛也亦用木皮或曰野繭絲作織成氈氍毹罽毼帳之屬皆好其色又鮮于海東諸國所作也又常利得中國絲解以爲胡綾故數與安息諸國交市於海中海水苦不可食故往來者祇到其國中山出九色次玉石一曰青二曰赤三曰黃四曰白五曰黑六曰綠七曰紫八曰紅九曰緝今伊吾山中有九色

牙真

雄

石即其類陽嘉二年時疎勒王臣槃獻海西青石
金帶各一又今西域舊圖云罽賓條支諸國出琦
石即次玉石也大秦多金銀銅鐵鉛錫神龜白馬
朱鬣駭雞犀瑇瑁玄熊赤螭辟毒鼠大貝車渠馬
瑙南金翠爵羽翮象可符采玉明月珠夜光珠真
白珠虎珀珊瑚赤白黑綠黃青紺縹紅紫十種流
離瓊琳琅玕水精玫瑰雜黃雌黃碧五色玉黃白
黑綠紫紅絳紺金黃縹留黃十種氍毹五色毼毼
五色九色首下毼毼金縷繡雜色綾金塗布緋持
布發陸布緋持渠布火浣布阿羅得布巴則布度

表下疑有脫誤不然
地字誤

詣

伐布温宿布五色桃布絳地金織帳五色斗帳一
微木二藟合狄提迷迷兜納白附子薰陸鬱金芸
膠薰草木十二種香大秦道既從海北陸通又循
海而南與交趾七郡外夷北又有水道通益州永
昌故永昌出異物前世但論有水道不知有陸道
今其略如此其人民戶數不能備詳也自葱嶺西
此國最大置諸小王甚多故錄其屬大者矣澤
散王屬大秦其治在海中央北至驢分水行半歲
風疾時一月到最與安息安谷城相近西南諸大
秦都不知里數驢分水屬大秦其治去大秦都二

千里從驢分城西之大秦渡海飛橋長二百三十里渡海道西南行繞海直西行且蘭王屬大秦從思陶國直南渡河乃直西行之且蘭三千里道出河南乃西行從且蘭復直西行之氾復國六百里南道會氾復乃西南之賢督國且蘭氾復直南乃有積石積石南乃有大海出珊瑚真珠且蘭氾復斯賓阿蠻北有一山東西行大秦海東東各有一山皆南北行賢督王屬大秦其治東北去氾復六百里氾復王屬大秦其治東北去於羅二百四千里渡海也於羅屬大秦其治在氾復東北渡河從

於羅東北又渡河斯羅東北又渡河斯羅國屬安息與大秦接也大秦西有海水海水西有河水河水西南北行有大山西有赤水赤水西有白玉山白玉山有西王母西王母西有修流沙流沙西有大夏國堅沙國屬繇國月氏國四國西有黑水所傳聞西之極矣非新道西行東至且彌國西且彌國單相國畢陸國蒲陸國烏貪國皆并屬車師後部王王治于賴城魏賜其王壹多雜守魏侍中號大都尉受魏王印轉西北則烏孫康居本國無增損也非烏伊別國在康居北又有柳國又有巖國

三國志 魏書三十 四
又有奄蔡國一名阿蘭皆與康居同俗西與大秦
東南與康居接其國多名貂畜牧逐水草臨大澤
故時羈馮康居今不屬也呼得國在葱嶺北烏孫
西北康居東北勝兵萬餘人隨畜牧出好馬有貂
堅昆國在康居西北勝兵三萬人隨畜牧亦多貂
有好馬 丁令國在康居北勝兵六萬人隨畜牧
出名鼠皮白昆子青昆子皮此上三國堅昆中央
俱去匈奴單于庭安習水七千里南去車師六國
五千里西南去康居界三千里西去康居王治八
千里或以爲此丁令卽匈奴北丁令也而非丁令

教鳥
在烏孫西似其種別也又匈奴非有渾窳國有屈
射國有丁令國有隔昆國有新黎國明非海之南
自復有丁令非此烏孫之西丁令也烏孫長老言
北丁令有馬脰國其人音聲似雁鷺從膝以上身
頭人也膝以下生毛馬脰馬蹄不騎馬而走疾馬
其爲人勇健敢戰也短人國在康居西北男女皆
長三尺人衆甚多去奄蔡諸國甚遠康居長老傳
聞常有商度此國去康居所萬餘里 魚豢議曰
俗以爲營廷之魚不知江海之大浮游之物不知
四時之氣是何也以其所在者小與其生之短也

余今汎覽外夷大秦諸國猶尚曠若發蒙矣况夫
 鄒衍之所推出大易太玄之所測度乎徒限處牛
 蹄之涔又無彭祖之年無緣託景風以迅游載腰
 裹以遐觀但勞眺乎三辰而飛思乎八荒耳

三國志魏書三十

